



Umiartortut atorfinitsitaasarnerannut pissutsit pillugit inatsimmi Kalaallit Nunaanni naalagaaffigisami nangaanartitanik pillugu atuukkunnaartitsinissamik Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Ane Hansen, Inuit Ataqatigiit)

Siunnersuut pingaaruteqarluinnartoq maannakkut suliarineqarluni aallartippoq.

Nunatsinni umiartortut, umiatsiani umiarsuarnilu nunatsinni angerlarsimaffeqartuni suliffeqartut, illersorneqaatigisinnaasaannik imarsiornermi inatsisinik peqalernissarput kinguarsarneqaqqittariaqanngilaq.

Ullumikkut imarsiornermik oqartussaaffiit Naalagaaffimmit oqartussaaffigineqarneranni, nunatsinni imarsiortortavut inatsisip atuuffiginngisaanni inissimatitaajuernerat tamaanga killilerneqartariaqalerpoq.

Naalagaaffiummi imarsiornermut inatsisai nunatsinnut atuutissiatut pilersinneqarsimangillat atorneqaqqusaannatillu. Angallatit nunatsinni angerlarsimaffeqartut, 200 sømil-illu iluani angalasut inatsimmi pineqartumi ilaatinneqarsinnaanngitsut paasinarmat.

Siunnersuutigineqartup piviusunngortinnissaanut periarfissat arlariissorinarput. Imarsiornermut Inatsit Naalagaaffimmiit angerlaateriarlugu, nunatsinnut naleqquttunngorlugu nalimmassarneqarsinnaavoq. Takorloorsinnaavarput tamanna pissappat piffissaq sivisooq atorlugu ingerlasariaqassagunarmat. Periarfissap aaparaa, Inatsisartut Inatsisaat nr.2, 24. April 1986-eersoq aqqutigalugu, imarsiornermut inatsisiliorsinnaannissarput pisariaqartitsinitsinnut naappertuuttumik.

Siunnersuutigaarput Inatsisartut Inatsisaat pineqartoq naappertorlugu, nunatsinni imarsiornermut inatsiseqalernissarput sulissutigineqassasoq, siunnersuutaassumik aamma naammassinniffiusumik.

Siunnersuut aappassaaneerneqartinnagu ataatsimiititaliami suliarilluarneqaqqaarnissaa siunnersuutiggarput, pisariaqartitsineq naappertorlugu nunatsinni pineqartunut attuumassuteqartut suleqatigilluarlugit suliarineqarnissaa pissusissamisuussammat.